



DR. Muhamad Muda (tengah) bergambar dengan sebahagian anak-anak yatim pada majlis berbuka puasa di USIM, baru-baru ini.

USIM sampaikan bantuan 40 anak yatim

SEREMBAN 23 Ogos - Seramai 40 anak yatim dari Yayasan Anak Yatim Piatu Islam Daerah Port Dickson menerima bantuan sempena ketibaan Aidilfitri ini daripada Universiti Sains Islam Malaysia (USIM) pada majlis yang diadakan di Kolej USIM 1, Nilai di sini baru-baru ini.

Program bercirikan tanggungjawab sosial korporat (CSR) itu dianjurkan oleh Badan Kebajikan Kakitangan USIM dengan kerjasama Jawatankuasa Pusat Islam USIM.

Bantuan serta sumbangan duit raya termasuk barang keperluan dapur itu disampaikan oleh Naib Canselor USIM, Prof. Datuk Dr. Muhamad Muda.

Anak-anak yatim dari rumah kebajikan tersebut turut diraikan de-

ngan majlis berbuka puasa diikuti dengan solat maghrib, isyak dan terawih secara berjemaah.

Pada majlis sama, seramai 30 orang saudara baru dari Pertubuhan Kebajikan Islam Malaysia (Perkim) turut diraikan serta menerima sumbangan hamper.

Menurut Muhamad, program tersebut merupakan sebahagian aktiviti kebajikan warga universiti kepada masyarakat.

"Program ini bertujuan menzahirkan rasa kesyukuran terhadap Allah dengan mengagih-agihkan rezeki yang dikurniakan kepada golongan yang memerlukan.

"Di samping itu, diharapkan pertemuan ini dapat mengeratkan lagi hubungan persaudaraan sesama Islam," katanya.